


# Selected Scriptures in Yipma/Wagamwa



Selected Scriptures in the Wagamwa dialect of the Yipma language (parts of John, 1 John, Romans, and Hebrews).

**Selected Scriptures in Yipma/Wagamwa**

Selected Scriptures in the Wagamwa dialect of the Yipma language (parts of John, 1 John, Romans, and Hebrews).

Sampela hop long Nupela Testamen long tokples YIipma Wagamwa long Niugini

copyright © 2011 Wycliffe Bible Translators, Inc.

Language: Yipma/Wagamwa (Yipma)

Dialect: Wagamwa

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents.

For other uses, please contact the respective copyright owners.

2015-01-02

---

PDF generated using Haiola and XeLaTeX on 4 Mar 2019 from source files dated 27 Nov 2018

83ddbbd8-cd0d-50af-8313-6fdd3ace43da

## Contents

Soni . . . . .	1
Romi . . . . .	4
Yibiru . . . . .	7
1 Soni . . . . .	9
Godiyai . . . . .	11

## Yagaala Tewaanya<sup>1</sup> Sonî yıdabagesi.

*Godiyarine Yagaalyai (Jisaasi) mwaarigerinesi.*

<sup>1</sup> Sinyamwinyagaa' kigaakuna Kwaaga taba' myima'nyamwi Godiyarine Yagaalyai mwaryaagemwinyi. Nabaai, Godiyai mwaaragemwi kaminyimwi Godiyarine Yagaalyai mwaari'. Gotiyarine Yagaalyai sagwai Godiyai.

<sup>2</sup> Sinyamwinyagaa' kunegaa' aayamwidaa'nyi Godiyalyi sagwai mwaribainyina yaagelyi. <sup>3</sup> Godiyai sara kyabwira' sagwai wiyangi sara wagagei. Aane piri' kiri' kami saba yima'naga' mi'. Aawa, sagwai wagagengi wiya sa. <sup>4</sup> Sinyamwi sagaa' sagwari kaalyabwi waragelyi. Kaala sabwi a'mwe wiyyaraabire Paagelyi. Yiniga sai a'mweinaabina kunya tewaanya yabwirya'ne nejaabinigerina. Kunya tewaanya yabwirya'ne wijaabina kaneya' paaga sabi nabyaay mwaindaanyaine. (Gidiyarina nabyaay yabwitaanyaine.) <sup>5</sup> Saburidaa'nyi siginya kayaa'nayaburi Godiyare paage' wanniyina. Nabaai siginya sa' paagebi mwabilayinigesi.

<sup>6</sup> Godiyai yabwi'na "A'mwera paagebi mwaaimbiga!" yabwiraga sinyamwi a'mweri widaasagelyi. Sai Sonî (pabitaajiyi yandei) widaasagelyi. <sup>7</sup> A'mwe sagwai saliguragi'nei pina. "A'mweraabi a'mwengi Jisaasi Paagerina wijaliguragana!" taga widaasagei pina. "Kadiga wi'napijji Naangeri limwagapiga!" tagei pina. <sup>8</sup> Sonî kami sai Paagei mika! Aawa. "Paaga nabwi'nya sarina saliguragana!" tagelyira. <sup>9</sup> Tibi Paagei Kwaaga tabagi waraabaga a'mwe kajainajainaabina Paaga nebulya'nanyalyi. A'mwe wiyyainaabi kunya tewaanya yabwirya'ne nejaabandei.

<sup>10</sup> Nabaai, Kwaaga tabagi sai pamwaaina ya'. Sinyamwi Godiyai kyabwira' sagwai Kwaaga taba' sara wagina. Sara wagina yaga pamwaaina kya' kiri' Kwaaga Tabagi mwaaryara kami sagwari myabwiramaaryi yesalyi. <sup>11</sup> Kamnya Anga Yijirelina pina yaga mwaaindaasi kamijiyyara mamaaryi. <sup>12</sup> Sara yina yeba mamaaryi kye' kiri' a'mwera pwara "Nebulyasira. Naangelyira," teba maarina ye'. Maarina kye' sai wiya saraabi kamnya tiraginyabwi wijaabina ya'. Kamnya tiraginya sabwi sagwara Godiyale kwaimiraayara yima'nyi'nebulyi. Kami sagwarinaji kamire yebabinaji limwagatibisaraabinebulyi. Yi sagwara mudigera yima'nyina ye'. <sup>13</sup> A'mweraabire yijabagaabidaa'nyi tawengina mudigera myima'nyina. Aawa. Kiraagejigija sindujaburi mudigera myima'nyina. Aawa. A'mweraabire tiraginyabi mudigera myima'nyina. Aawa. Godiyai kebwi yabwi'na "Sagwara nimire kwaimiraayara mudigeraabi yawaginima!" kada' yima'nigabinigengi.

<sup>14</sup> Godiyarine Yagaalyai a'mwe kiraanagei yima'nyina yagei neminyimwi kamnya seli ange' yiradaakuna. Kamire kiraagejigi wiramwaaina yina yandaasi tinya tara wangano' "O, Nabwi'nyai tiraginaangei taaga!" Sara tandaan kamire paagebi tinya wangano. Kanimaangeridaa'nyai kambei yamaginarigabaambita paaga sasi. Sagwari yuneba yanga kaimwangebulyi nebulyabulyi maanga yegu'nigelyi.

<sup>15</sup> A'mwe Sonî kaminyina nejaliguraganda saga tara tanganna "A'mwe tajarina yinggidelyi. Niimi Godiyale yagaala kyinggidimwa tibiya pwai poji yinggidibwaagadei Naangelyi. Niimi sagwainyi migi! Niimi maarigeinyira/wabeinyira. Niimi myima'nyagaa' kuna mwaryaage'na Sinyamwinyalyi.

<sup>16</sup> Sagwai maanga yegu'nigebidaa'nyi nemii wiyyainaabina wana nabwi'nya nejaabande'na tewaanna mwaago. Neminyi kamire yanga kaimwanggaimwange' nejaabanda nejaabinigelyi. <sup>17</sup> Sare' Godiyai kuja'a' Ne Mojiji Godiyale Kimwinya tewaanya' wijaabina. Wijaabina neyinige' neminyimwi Godiyai Kiraajitiya Jisaasiri widasaabina. Widasaabina kyini' sagwari neminyina yanga kaimwangebulyi nebulyabulyi yima'ninige'nanyi.

<sup>18</sup> Godiyari a'mwe Kwaaga tabagiaina wangandaanyarina mi'. Aane pwai kwai tinya mwanganyi. Aawa. Godiyai, kambei kanimaangeryaba kusimaginna mwaarigei neminyi yibwaridaakwia neyigelyi.

*Jisaasi neminyinneba paragarinesi.*

<sup>29</sup> Mwanyigaa' Soni mwaaraga Jisaasi pageri tinya wanganaasina yaga a'mweraabi widina "Yıdaanyi! Tajai Godiyalei Sipijipiya timwinyara! Kaya'a'nayanna a'mwera sipijipiysi lamina yandibi' kwaraanyaba Godiyarina tiga nasi'na yandebaaimbi' sai Kwaagebagi mwaaryainaabire kayaa'nayanna marasisa'na paradelyi. <sup>30</sup> Sagwarina yinggidandinyalyi. "Nimi pimeinyi, tibi a'mwei padelyi. Nimi myima'nyagaa' sai kuna mwaaryaagalyi. Sai sinyamwinyai Naangalyi. Nimi wabeinyira. <sup>31</sup> 'Pojiyai Naanga Kwarinera,' yabwirena kaminyi myabwiranganyainyi. Aawa. 'Sagwarina Yijireliyaraabi yibwaridaakwia'na yima!' tena pima. Aarya yinggyandinya (libamabandinya) sabi tara sabwiryinde' 'O, sai Naangai taaga!'

<sup>32</sup> Soni tinya mena paiginaraga a'mwe Sudaayaraabi wijaliguragina "Sugunyabi Godiyalebadaa'nyi Kuryai Tewaanyai kwaamiryaimbisai waraabina yaga a'mwe sari mwaaribainigari tinya wanganerinera. <sup>33</sup> Sinyamwi kaminyi myabwiranganyainyi. Aawa. Pabitaajiya'na nyidasaabagai sagwai nyinda' 'Tibidaa'nyi tara tongandeiginyi. Kurya Tewaanyai a'mwe pwari pwaramwaaina yaja' wanganakiji tara sabwite' "Ai, sai a'mweraabina Kurya Tewaanyari yanga wijaabadei taaga!" Kimi aaryabi pabitaajiya' side' sai Kuryari pabitaajiya' yadelyi.' <sup>34</sup> Sara widina nyage' tinya nabysa wangameinyi yinggijaliguragiibaiga. Sai Godiyale Kawaaribaangalyira."

3

<sup>1</sup> Sudaaya pwara Perijigimwinya yandibi' mwaarina yebe pwai Nikodimaajai wo'nigai Perijiyai mwaarina yagalyi. Sai a'mwe naangai Sudaayaraabi maremwaaindei mwaara-galyi. <sup>2</sup> Mwaarina yaga sagwija piribi Jisaasiryimwi pina yaga pamwaaina yaga widina "Widibwaagyaigi/ yibwaagyaigi 'Godiyai kidasimwaabigaigi pagina widibwaagyaina neyibaigi. Sare' tare'nesi. A'mwera wijiwaainyangi yibaigi. Tiraginya yibaigi Godiyai magigaimwagyaji kwaji sara myi kyidi' tiraginya tabwi,' sara yabwi'mona."

<sup>3</sup> Jisaasi sa'na widina/ma'maa'na "Naanga nebula'na kidibaiga. A'mwe pwai kwai ayagi mudigai myima'nyi yajai Godiyai maremwaaardeba tinya mwanganyi yannelyi."

<sup>4</sup> Nikodimaajai widina "A'mwe naangai mudigai yima'nya'na kadara yoji/ yaji yima'nadelaga? Pigasaai a'mwei kanaangebi munyawigi ayagiji wiraminyina kyaji kanaange' kadara maaradelaga ayagwara?"

<sup>5</sup> Sai sa'na widina "Naanga nebula'na kidibaiga. Kurya Tewaanyai a'mwe pwari aari myi kyaji mudiga mwimwaaigyи kyaji sai Godiyale maremwaaindeba wiradei migi!

<sup>6</sup> A'mweraabire kwaimiraabyai migwi'naga yaginnagalyi. Godiyalei, kamire munyawigi Kurya Tewaanyai puramwaaina kyaji sai a'mwe Godiyale Kuryai kininnagalyi mudigai.

<sup>7</sup> Kidime'na "Semi mudiga ayagi sima'nyira!" kidime'na atiga maru'nata myinnera!

<sup>8</sup> Yigwija kami sa' kaanna wi'na yandebaaimbisasi. Yigwija' kadiga wi'nandinyaigi "Samwinna wawade' taaga? Sabadaa'nyi pade' taaga?" Tandinyaigi mi'. Aawa. Sare'na Godiyale Kurya Tewaanyai kajajare munyawigi pwiramwaaina yinigai mudiga yima'ni'. Mudigai tewaanna yanda a'mwera tinya wangamaigya'. Kumi mwangamaigya' aaya kaabilabi.

<sup>9</sup> Nikodimaajai ma'maa'na "Nyindimaanya' kadara yima'ninigabaga?"

<sup>10</sup> Sai widina "Yijireliyainaabire nedibwaagandinyaigi sabwi myabwiramaaryiginyaigi taaga? <sup>11</sup> Naanga nebula'na kidibaigo. Nabysa yabwiramaataanya yabwitaay inggidibaigo. Tinya nabysa wangandaanya yinggidibaigo. Sara yinggidibaigo'na nemire saliguragyabi mamaa'maigyasalablyira. Sabwi kadiga myibaigya sa' pe'na yibaigya?' <sup>12</sup> Kwaaga tabagi yinigangina kyinggidima malimwaga'maigya'. "Nebulasi," sara maji yimaasa' Sugunyabi yinigangina yinggidimwija' kara tilimwagyindelabiraga!

<sup>13</sup> Sugunyabina yiraawagai a'mwei pwai kwai migi. Sugunyabi A'mweraabine Kwaimiraabyai mwaaraga sabidaa'nyi sai yimbei waraaba'."

<sup>14</sup> Kigaa' a'mwamaayaba Ne Mojiji kwaari'makamaala' yijabi pwiyaga widaakuna yaa'. Kamaalari makyiryaagabaaimbi' yijabi tamagya'na A'mweraabine Kwaimiraabyari

sagibaaimbi' makyimbityira. <sup>15</sup> Sagwai "Kajaijai nyilimwagaraji kaala wiyagaa'nebwi maarana!" kadaji sara makyimbityira. <sup>16</sup> Sare' tare'nesi. Kwaaga tabagiyainaabina Godiyale kare naanga kwia' Godiyai neminyina kawaaribaanga yimberi nejaabagalyi. "Kajaijai sagwari wilimwagaraji myiwawanna! Aawa. Kaala wiyagaa'nebwi maarana!" taga nejaabagalyi. <sup>17</sup> Sare' tare'nanyi. Godiyai tiina "Nyibwaaribaangai a'mweraabi kotiya'na maaryawibwaradela!" majaga myasaabya'. Aawa. "Nyibwaalibaangari a'mweraabina padaigasamaaja yima!" taga kwaaga tabagi yasaabina ya' Godiyai.

<sup>18</sup> Kabwaalibaangarina limwagaja pwari Godiyai kotiya' maaryawibwatei mi'. Malimwagyaja pwai kotiya' mena yawibwa'nigalyi. Godiyale Kawaaribaanga yimberina kamire yebyabinaji malimwagaryaja'na kotiya' mena tinigesi. <sup>19</sup> Kotiya'na tara tini! "Nemire kwaaga tabagi pwai nebula' nedibwaagaga'na Paagei waraabina yaga kiri' a'mwera kayaa'naya yandibisara kayaa'nayabwi siginyaburina wibwi'nagare. Paagerina wibwi'nagara mi'. Sare' tare'nesi. Kumi yandibisa kayaa'nayangira," sare'na tinigesi. <sup>20</sup> Sare' tare'nesi. Kajaijai kayaa'naya yandei Paagerina similiga wimanigai Paageryimwinna mabyi yibani!. "Paageryaba pwara nimire kayaa'nayabwi nayangambiga!" taga mabibani!. <sup>21</sup> Sara yandaasi kiri' pwai nebula'na tewaanna yandei Paageryimwinna nabya pibani!. "Paageryaba kwawa'mujii pwara yabwisa'na 'Godiyyari wiya sa tewaanna sibani!' " taga kaanna pibanigalyi. <sup>30</sup> (Sonî libamabya yaagai wijaa!) "Kami Naangei nyabilabigalyi. Nimi naangeinyi myima'nimwineinyi. Nimi wabeinyi yima'nimideinyi," widina ya' Soni.

<sup>31</sup> Munyabadaa'nyi tiraginyai waraabagai wiyainaabi newabilabigalyi. Kwaagebagidaa'nyi pwaina Kwaagebagiyaina kwaagebagiyabwi widina, kwaaji kwaaji yagaala widina yandaanyaine. Sugunyabidaa'nyai wiyainaabi newabilabigalyi. <sup>32</sup> Sai Godiyaryaba tewaanyabwi tinya wanganagangi kadiga wi'nagangi sangina saliguragina. Sare saliguragina kya' kiri' aane pwai kwai kadiga wi'naga kamire yagaala' mwi'nya'. Aawa. <sup>33</sup> Pwai kamire saliguraga' taapina yage' yi "Gotiyai nebula'nayai!" tiraginna tina ya'. <sup>34</sup> Sare' tare'nesi. Sagwari Godiyai yasaabina kya' Godiyale yagaalangi widibwaagina. Sare' tare'nesi. Godiyai sagwarina kamire Kuryari wijaabina ya'. Godiyai kamire Kuryari wabe'na wijaabagrina mi'. Naanga wiyabwi wijaabagrina. Godiyai kamire Kuryari yinagu wijaabaga'na sai Godiyale yagaala' nayaa widina neya'. <sup>35</sup> Kawaaribaangarina Kanimaangari tewaanya wibu'nanda yiraaya yanda tiraginyaji wiyaji mwangina yanda widina "Wiya timaremwaara!" widagarina. <sup>36</sup> Kawaaribaangari nabya limwagatei kaala wiyagaa' wiyagaa'nebwi kininnigalyi. Kwai Kawaaribaangari malimwagaradei kaalabwi tinya mwanganyi. Aawa. Godiyari sinya simiriga wiryabwi sagwari kuna wiwarigalyi.

## 13

### *Yagaagimwinya mudiga'nesi.*

<sup>31</sup> Sarebidaa'nyi Sudaajai ya'ma'na yagagaa' Jisaasi widina "Tagaa' A'mweraabine Kwaimiraabyai paa'nigai yima'nimaga. Tagaa' kaminyina Godiyai paa'nigai yima'nimaga. <sup>32</sup> Kaminyina Godiyai paa'nigai yima'najai A'mweraabine Kwaimiraabyari paa'nigari wimwaaigadelyi. Yime'nyapi' paa'nigari wimwaaigadelyi. <sup>33</sup> Nimnya kwaimiraabyalabi, tibi wabegaa'/ wibegaa' seminyaba kuna mwaageinyi. Pirina yapiji kiri' Sudaayaraabi widimwatebaaimbi' tagaa' yinggidibaiga. Nimi wimwijamwi tiwindelai mi'. <sup>34</sup> Yagaagimwinya mudiga' yinggijaabaiga. Singgya'mweraabina tewaanya yinggiбу'nana! Niminyi seminyina tewaanya nyibu'nandebaaimbi' seminyi singgya'mweraabina tewaanya yinggiбу'nana! <sup>35</sup> Semi sara yinapiji saburidaa'nyi a'mwe wiyara seminyina yabwi'na 'Sagwara Jisaasilerera.' Yi seminyi wibu'nyabwi waraja' sara yabwi'na yinggyipitelabilyira."

## Romı

<sup>16</sup> Yo, sare' tare'nesi. Nimi yagaala tewaanyabina wagila manyibwa'nyandeinyi. Sare' tare'nesi. Yagaala tewaanya sa' kajarajara limwagapijaraabi Godiyai wibadaigasamaarya'ne sa' Godiyare tiraginya ti'nagesi. Tiraginya Sudaayaraabidaa'nyi nabaai Sudaayara mamwaaryigasaraabiji wibadaigasamaarya'nesi. <sup>17</sup> ..... Sare' Godiyare pugwiyabi tara tinigabaaimbi'nanyi, "Pwai Godiyari limwagate sarerina 'Yida'maraangeri wimwaaigimwa,' tojaiyi wiyagaa'kaala mwaaradelyi."

### 3

"Wiyagaa' a'mwe aane pwai yida'maraangei mi'," tinige'nesi.

<sup>9</sup> Yi kadatarebinyaga! Nemi Sudaayaina a'mwe pwaraabi wabilabaanneina tigaga! Aawa nebulyasi. Sare' tare'nesi. Nemi sidasa'na tibi'na timwo "Yi wiyaina wagilyabi kwaagemwi mwaagoinera Sudaayainaji Anga Pimagine (Kirikiya) kwaraji."

<sup>10</sup> Sabaaimbi' tara tinigesi.

Godiyaryaba yida'maraanga aane pwai kwai mi'.  
Arigemwinyi. Aane pwai kwai mamwaaryi'.  
<sup>11</sup> A'mwe pwai simunya wiwarigei mi'.  
Godiyarina pwai piribiryu yibanigei mi'.  
<sup>12</sup> Yi wiyara Godiyari yagarya'ma'mwaasare.  
Wiyara yiragureba waryaanyara yima'nimwaasare.  
Nabwi'nyabwi yande aane pwai mi'.  
Sasarei aane pwai kwai mamwaaryi'.  
<sup>13</sup> Taarisabidaa'nyi kirebudirinyabi newinibaniga widandibisare.  
Taarisasi kwaaji yagaala widandibisare.  
Naawinaanyale kwaaminya' a'mweraabi tamagandebaaimbi'  
Yagaala nabinabinya kayaaga yigalya'ne widandibisare.  
<sup>14</sup> A'mweraabi kayaaga tiraginna yigalya'ne  
Yagaala kayaa'nayanna paasiyagaala widandibisare.  
<sup>15</sup> Yigwikaannagera a'mwe tamya'nera  
Yarai kaanyibe'na yamaryandibisare.  
<sup>16</sup> Kayaaga yigalagy'i'nera wina yadibi'  
Taanginya kwaraarya wijaay'i'nera wondibisare.  
<sup>17</sup> Kwaamu'nanyaburine nagarya' yabwiramaatibitara mi'.  
Pwaraji abaaijimunyabwi ye'mwannamwaaindibitara mi'.  
<sup>18</sup> "Godiyai Naangelyira," myabwiryi yandibi' Kumire tinyaraabi Godiyarine ligebwi mwaryiga.  
Godiyale pukwiyabi sara tinigengira.  
<sup>19</sup> Nabaai sara tinigenna nemi yabwi'mwo. Wiya Kimwinya tinige nemi Sudaayaina saburi talaangemwi wira'nata yigoina sara ya'ne tinigengi. Sare' kiri' Sudaayainaabina tajabwi yinggidimwebwi yiwtawagya warigesi. Sarebidaa'nyi Godiyai yawiwbwata'negaa' nemirebwina "Sudaayaraji maanga pipaina yipiga! Nabaai a'mwe wiyanwinya niminyina yiwtawagya sabwi kininnagera mwaaimbiga!" taga Kimwinya kininnigeinaabi talaangemwi nemaarurawagageine. <sup>20</sup> Sare'na tarebinyi. Godiyale yawiwbwata'nebwina Kimwinya saburi midinyabina "A'mwe yida'maraangeiginyi. Nimireiginyi," Godiyai kira'a'naga aane pwarı kwari widade' mi'. Aawa. Sare' tare'nanyi. Kimwinya sabwi nemire wagila saburi yine'na neyibwaridaakwibanigesi sagiri'na.

A'mwei Kiraajitiyari limwagajai yida'maraangei yima'nade'nesi.  
<sup>21</sup> Nabaai tagaa' Godiyai a'mweraabi kamire yida'maraanga sabwi kaminyi yida'maraangeraabi wimwaaigya'nebwii wi'na neyibwaridaakwagebulyi. Sa'

kimwinyaburaabi midinya'nebidaa'nyi myima'nyagesi. Aawa. Sa' piri bi yima'nagesi. Kiri' pigarigurya Kimwinyasi wi'nawidibwaagyaasaraabire tinigesi nabwi'nya yida'maraanga tajabwina salikuraginigesi. <sup>22</sup> Yi Jisaasi Kiraajitiyari limwabijaraabina Godiyai "Yida'maraangeraabi nimireraabi wimwaaigima!" tadeliyi. Yi limwabija wiyyaraabinesi. Sare' padaigasamaasabwi tare'nesi. A'mwe Sudaayarebwi nabinyabwi mi'. Anga naanga pimagineya pwai kwarebwi nabinyabwi mi'. <sup>23</sup> Sare' tare'nesi. Wiya a'mwera Sudaayaraji anjimya wiyangiyaraji wagilya'nebwi yandibisare. Godiyai paaga tiraginyasiyaryaba menyaba mwaagiasare. <sup>24</sup> Sasareraabi Godiyai yange'na tewaanna wigaimwanda Kiraajitiyai Jisaasiri kamaryasaaba' sagwai ayagi mubya yamaaryi'nei sara kya' Godiyai "A'mwe yida'maraangelalyira. Nimirerlalyira," widina. Sa'na sagwara mamubyandibisare. Sa'na Kiraajitiyari sigumalesi. <sup>25</sup> Sinyamwi Gotiyai Kiraajitiyari tagilagagei paraga kamire tawe' a'mweraabire wagila sa' mumba'ne' waraabagesi. Gotiyari a'mweraabire wagilyabwina sinya tiga widataebulyi. Kiraajitiyari limwabijaraabina sinya tiga sabwi mumbamaaras'i'nya'nei paragelyi. Yi nabaai sasare saburi Godiyai "Nimi yida'maraangeini yida'na yandinyaainyi," neybwaridaakwagebulyi. Sare' tarebinyi. Kigaa' Godiyai kwaamu' kabe yemwaainda a'mweraabire kayaa'nayanna yeta sabwina wanganagina. <sup>26</sup> Kiri' "Godiayi yida'maraangei migal!" nadipindiga!" taga tadagaasagaa' Godiyai "Nimi yida'maraangeini yida'na yandinyaainyi," taga sara neybwaridaakwia'nei Kiraajitiyari maryasaabagelyi. Sasare saburi Godiyai kami sai yida'maraangerina neybwaridaakwanda yi a'mwe wiyyaraabinei Jisaasiri limwagajarina "A'mwe yida'maraangelyi. Nimirerlalyira," tandelyi. Yi wiyyaraabi wilimwabijaraabi sara widandelyira.

<sup>27</sup> Sarebidaa'nyi Godiyai "Yida'maraangelalyi," nedage'na yi nagarya' a'mweraabine yebya makyirya'nebwi kaba wariga! Yi wana aawaawa. Nagarya sari' kaanya mena ligi'nigesi. Nagarya tajarigi peri' tagarigi'nari? Godiyale Kimwinyaburi midinya sabi tigaga? Aawa. Sabina mi'. Aawa. Kiraajitiyari limwanga saburi sagiri' nagarya sarigi kalalimwamani'. <sup>28</sup> Sare' tare'nesi. Nemi tiraginna tara tandaanyi "Godiayi a'mwei Kiraajitiyari limwagajari tibanigelyi 'A'mwe sai yida'maraangelyi. Nimirerlalyira.'" A'mwe Kimwinyaburina yaamiji yune midinajarina Godiyai sara majandelyi. <sup>29</sup> A'mweraabine yebya mamakirya'ne' pibwi tariga? Tare' sabwiryila! Godiyai sai Godiyai Sudaayaraabinannei taaga! Anjimya wiyangiyarajiyaraabine Godiyai mindaaga! Yayo! Godiyai sai anjimya wiyangiya pwara kwaraabijinelyira. <sup>30</sup> Godiyai kambe pwaina Naangelyi. Sarebi Sudaayara kiraageji' kurya tatibisara Kiraajitiyari limwambijaraabina "Yida'maraangerera," tanda nabaai anjimya wiyangiyara kiraageji' kurya madabyandibisara Kiraajitiyari limwambijaraabinaji abaaaina tibanigelyi. <sup>31</sup> Sarebidaa'nyi limwanga tajabi yida'maraangeina yima'nandaanya'na Kimwinya sabwi tadadibaimaigona? Arigemwinyira. Aawa. Kimwinyabwi nebulya'na yida'na maridaakwia yibaigo.

Kiraajitiyai kayaa'nanya nemaarasita Kurya Tewaanyari nejaabanige'nesi.

<sup>1</sup> Sarebidaa'nyi yi tagaasagaa' Kiraajitiyai Jisaasiri wiramwaaigasaraabina yagaala yawibwata'ne sidata'ne mwaryi'. <sup>2</sup> Sare' tare'nesi. Kiraajitiyai Jisaasi yagebi Kuryai kaala kijaabanderebwi kayaa'nayabulyi yune naanga paryabulyi saburaai mena wiila kyitalamaara'. <sup>3</sup> Yi sare' tare'nesi. A'mweraabire kiraagejigya yabwita sabina kimwinyabwi yi'neina waryaanyaina mwaago'na Kimwinyabwi kayaa'nayaburi padaigasamaa'na myi neyannebulyira. Sara myi yande' Godiyai sara yagesi. Godiyai kamnya Kabwaalibaangeri maryasaabagelyi. Sarei a'mwe kayaa'nayaimb'i kiraajitiyai yima'nagelyi. Kami a'mweraabire kayaa'naya pwaramaras'i'nyi'nei waraabagelyi. Yi a'mweraabi kayaa'nayabwi wirarigeburi Godiyai sida'na kya' Kiraajitiyai a'mweraabineba kayaa'nayanne tibigita'na paragelyi. <sup>4</sup> Godiyai

neminyina "Sagwara kimwinyabwi taginiga yida'maraangengi yuna yandibisaraabi wimwaaigima!" kada' sara paragelyi. Sareina a'mweraabire kiraagejigiy a bwita sabi kaanya myamaryandaanyi. Aawa. Nemi Kurya Tewaanya sari kaanya yamaryandaanyainaabinesi. <sup>5</sup> Sare' tare'nesi. A'mwera a'mweraabire kiraagesiyara kumire simunyangi kiraagejigiyanna yabwiririgitibisare. Nabaai Kuryaryiyara kumire simunyangi Kuryalenna yabwiririgitibisare. <sup>6</sup> Sare' tare'nesi. Kiraagejigiy simunyabi a'mwe sara yune naanga paryabwi Godiyarina kimaja yiremwaaryabwi maa'maigasare. Yi nabaai Kurya Tewaanyale simunyabi a'mwe sara kaalyasi simunya kwaamu'nayasi maa'maigasare. <sup>7</sup> Sarebi kiraagejigiy a bwita sa' simunyangi maremwaarajara Godiyale yigamaangera yima'nimwaasare. Kiraagejigiy simunya' Gotiyarina yigamaangesi. Sare' tare'nesi. Sagiri' Godiyale Kimwinyabi wira'nate' mi'. Tare'nesi. Yi nabaai sagiri' sara yiniga yanne' mi'. <sup>8</sup> Kiraagejigiyangi mwaaindibi' a'mwe sarera Godiyari yiraaya wigarya'nera mamwaaryi yipinere.

<sup>9</sup> Semi kiraagejigiyangi mamwaaryiga'. Aawa. Godiyale Kurya Tewaanyai seminyi wirayinggimwaindori Kurya Tewaanyari wiramwaaigasalalyi. Nabaai, yi pwai kwai Kiraajitiyale Kurya Tewaanyai maayai a'mwe sai Kiraajitiyalei mi'. <sup>10</sup> Nabaai Kiraajitiyai seminyi wirayinggimwaarajai yi piri' taresi. Kayaa'nayabwine'na semire kiraageji' paradejigira. Yi piri' taresi. Seminyina Godiyai "Yida'maraangelai nimirelalyi," mena yinggidage'na Kuryai kaala mena yinggimwaaigagelalyi. <sup>11</sup> Godiyai Jisaasiri painigeraabyamwi yidigaabagere Kuryai seminyi wirayinggimwaaindanari Kiraajitiyai Jisaasiri paryari yidigaabagei semi parapijiyagaa' semire kiraagejigi kaala yinggijaabadelyi. Kuryai seminyi wirayinggimwaaindebi kiraagejigi kaala yinggijaabadelyi.

<sup>12</sup> Yi sarebidaa'nyi, nya'mwelai, nemi tibigita wijaabya'ne kininnageine. Tibigita sa' Kurya Tewaanyari mwaaryi'nesi. Kiraagejigiy a bwisangina tibigita aawa. Nemi kiraagejigiy a bwisangina mwaaryi'ne tibigita mwaryi'. <sup>13</sup> Sare' tare'nesi. Semi kiraagejigiy a bwisangina mwaaimbiya' yi semi yune naanga tibaryira. Kiri' Kuryale tiraginyabi semi kiraagejigiy a bwisa ya tamagipiya' yi kaala timwaaryindelalyi.

<sup>14</sup> Sare' tare'nesi. Godiyale Kurya Tewaanyai kajarajaraabi wibwaridaakwibani gera yi sagwara Godiyale kabwaalibaangere. <sup>15</sup> Sare' tare'nesi. Semi Godiyarina liga ayagi ya'ne' karabujiwamwinyabi yinggyidiwagamaremwaara yinggyande Kuryari mamaaryesalyi. Aawa. Kabwaalibaangeli yinggimwaaigaga Kuryari maaresalyi. Yi sagwari, nemi Godiyari saga tandaanyi "Tataala! Nimwala!" <sup>16</sup> Kuryai kam i sagwai nemire kuryaraji nemi Kiraajitiyari limwandaanyainaabina tara saligurakibani' "Gotiyale kwaimiraayalalyira." <sup>17</sup> Nabaai Godiyale kwaimiraayaina mwaraja' Nimwai sare wiya tewaanya maraadeinera. Piri' taresi. Godiyale wiya tewaanya maraadeinera. Piri' taresi. "Kiraajitiyali paaga tiraginya' maraana!" tawaaji Kiraajitiyali taanginya ye'mwannamaraaja' Kiraajitiyai wiya tewaanya maarade ye'mwannamaraadeinera.

## Pigarigurya' Yibiruyaraabinesi

*Kamire Kabwaalibaangei tagebi Godiyai nedage'nesi.*

<sup>1</sup> Kigaakuna kwala naangeegaa' Godiyai kaminyi wi'hawidibwaagyaraabi simunyu pininna piri' widina, pininna piri' widina. Yi sara kujaa' sagwara nemire Ne sinyamwinyaraabi simunyu nabinabinya pibura wijaasara kwaraaryare. <sup>2</sup> Kiri' nabaai tagaa' aayagasa Godiyai yagaala nedage' kamire Kabwaalibaangei nedagesi. Sagwari Kanimaangele wiya maaryi'neri Godiyai mena tagilakagelyi. Nabaai Kabwaalibaanga sagwari Kwaaga tası sugunya kirisi Godiyai yabigaryaaagengi. <sup>3</sup> Kabwaalibaangei sagwai Godiyale paaga tiraginyabi libamwaja naangelyi. Yi neminyi Paaga naanga nemwadandelyi. Sagwai Godiyari abaaina nebulya'nayalyi. Kamire yagaala tiraginya kininnige' tanda wiyangi tiraginya yibaimwanda wiya sarengi limwagatelyi. Kayaa'nayangine tibikisa tuimwagasita yi'ne' sagwai wamwinya yunebanna yi'mwannaga Kingiya Naangei munya kepeba mwaarigele aangajimagi tiraginnigeba mwaara'.

*Godiyale Kabwaalibaangei enjeliyara mamaayaraabi wabilabigerinesi.*

<sup>4</sup> Kabwaalibaangei Kanimaangeri yeba tewaanya nawi'nyaange' mena maarage' yi mamaayaraabire yebababi wabilabagabaaimb'i yi sasare sagiribi kami sai mamaayaraabina naanga nebulya'na yima'nagelyi. Yi sagwara sari kwaagemwi wira'nagasalyi.

<sup>5</sup> Sare' tarebinyi. Sinyamwi sagaa' Godiyai mamaayarajiya aane pwai kwari tara mwija' "Kimi niminyi nyimbwaalibaangeiginyira.

Tagaa' kimaamaangeinyi kimwaaigimweiginyi."

Kiri' Kabwaalibaangeri sara wida'. Yi sagwai mamaayarina ayagi mwija' "Kaminyi kanimaangeinyi yima'nimideinyi.

Niminyi nyimbwaalibaangei yima'nadelyi."

<sup>6</sup> Kiri' Kwaagebagi mwaaryaraabyimwinna sagwai kamire aaya mudigwaimiraabyari makwaraabagegaa' sarei ta' "Mamaaya wiya Godiyainyirera sagwari yiraaya nabaya maripiga!" <sup>7</sup> Nabaai sagwai mamaayaraabina tara ta'

"Kamire mamaayaraabi yigwijapisaraabi wimwaaigandere.

Kamire widaayandibisaraabi titarisapisaraabi wimwaaigandere.

<sup>8</sup> Kiri' Kabwaalibaangerina tara ta'

"Godiyaigi, wiyangaa' wiyangaa'ne kinginamwaaryisabi timaremwaaidieginyi.

Kimire a'mweraabi kingiyisarisi yida'nanyabwina yawibwaramaremwaaindinyaiginyi.

<sup>9</sup> Kiminyi yida'maraanga sabwina tewaanya kibu'nandeieginyi.

Kimwinyangi kalajegibaryabwina similiqa kwimwaarigeieginyi.

Midininyabidaa'nyi Godiyainyi kimire Godiyainyi yireweliya' kidingeieginyi.

Yi weliya taja' kiminyi yiraaya kyigalageieginyi.

Sa'mwera yibaiginyabaaimbi' yiraaya yibaigatara mi'."

<sup>10</sup> Nabaai Kabwaalibaangerina tara ta'

"Naangeigi sinyamwi Kwaaga tada' wagyaanyaiginyi.

Nabaai sugunya' kimnya ajiraalyi yabigaryaanyaiginyi.

<sup>11</sup> Wiyabaai yinagu kayaaga yinyina yadebaalyi.

Kiri' kimi aawa. Wiyagaa' mwaaindinyaiginyi.

Wiyabaalyi wiya piniji aya yima'nadengi.

Paajii'ma'nya piri' aya yima'nyina yadebaaimbisangi.

<sup>12</sup> Yi yibija aya' ki'mwagakina yadebaaimbi'

Kimi wiya sangi tigi'mwagakideieginyi.

A'mwei paajii'ma'nya yadaigamaa'na yandebaaimbi'

Kimi wiya sangi yadaigamaata sidengi.

Kiri' kimi yuna sana timwaaindeieginyi.

Kimire kwaramega' wi'na yiwawade mi'."

<sup>13</sup> Pi'gaa' kigaa' Godiyai mamaaya tarajiya pewari widalagela!. Aawa. Kab-waalibaangerina tara tini'

"Kimi nimire aangasiri tiraginyaba timwaara!

Kiminyi talaangemwi wira'narya'negaa'na yigamaangeraabi kwagimidegaa'nayi."

<sup>14</sup> Aawa. Mamaayara yi sagwara kuryarera. Yi kurya sagwara Godiyari widaayandibisare. Godiyai a'mwera kamire yuna padaigasamaaryi'neraabina kaimwagya'ne mamaayaraabi maryaa sandere.

## Pigariguri Mud'i'naya' Yidabagasi.

*Kaalaburi* Aaya Kaabilai, Godiyale Yagaalarinesi.

<sup>1</sup> Tarei sinyamwi/sinyimwi kigaakuna Kwaaga taba' myima'nyamwi aayamwidaa'nyi mwaryagarinesi. Sareri Nedasaabandeina wimidinoi kadiga wi'norina. Sareri nemire tinya wanganorina. Sareri yabwiranganorina. Sareri nemire aja mwanganorina. Sagwai Godiyale Yagaalai wiyagaa' wiyagaa'ne kaalaburi aaya kaabilarinesi. <sup>2</sup> Kaalaburi aaya kaabila tajagwai ku'maayabanna yima'naabina kya' nemi tinya wanganorina. Tinya wangano'na nabya saliguraganda yinggidandaanyi. Wiyagaa' wiyagaa'ne kaalaburi aaya kaabilai kigaakuna Nimwaryi ye'mwannamwaaryaagalyi. Sare sai ku'maayaba neyijiwaainadaa'nyi sari tinya wanganorina. <sup>3</sup> Sagwari tinya wanganona kadiga wi'no sarina seminyiji yinggidibaigo. "Nemiji abaijimunya ye'mwannamwaaraana!" tona yinggidibaigo. Yibaai nemire ye'mwannamwaarya' taresi. Nimwaryi kamire Kawaari' Jisaasi Kiraajitiyaryi abaijimunya ye'mwannamwaagoinera. <sup>4</sup> "Abaaijimunya ye'mwannamwaarya'nebina yiraaya naanga yinebanna newarana!" tona yagaala taja' yida'maigo.

*Godiyai Paagerinesi.*

<sup>5</sup> Yagaala ta' Kiraajitiyai kaneda' kadiga wi'nona yinggidibaigo. Sa' taresi. Godiyai paagebi aaya kaabilalyi. Sagwari siginya wabe aane piri' kiri' mwiwarigalyi.

<sup>6</sup> Sare'na siginyabi kayaa'na mwaaindaa kwaaji taaja' "Sagwaryi abaijimunya ye'mwannamwaageinyi," kwaaji yagaala tanda yagaala nebwina sa'neburi myibaigo.

<sup>7</sup> Aawa. Paagebi tewaanna mwaaindebaaimbi' paagebi tewaanna mwaaraaja'na Kiraajitiyale pwaraji abaijimunya se'mwannamwaigo. Yibaai tewaanna mwaaraaja'na Godiyale Kawaaribaangai Jisaasile tawebi nemire kayaa'naya wiyabwi nemaarasi'nanda tawe sagiri' kiriga neduimwagasi'nade'nanyi.

<sup>8</sup> Nemi tinyina "Nimi kayaa'nayabwi kuneinyira," tinaaja' simunyangi kwaaji yabwitaanyainera. Sarebi nebula' nemire simunyangi wiranewate' mi'. <sup>9</sup> Nemire kayaa'nayanna saliguraginaaja' Godiyai "Kumire kayaa'naya maarasi'nima! Kumire kiringisa'naya wiya, yi yida'maraangabwi maaya wiyaburi tuimwagasi'nima!" taji "Kayaa'naya maarasi'nimideinyi," tiniga'na nabya limwannigai, yida'maraangai mwaarigai sara yadelyi. <sup>10</sup> Yibaai Godiyai neda' "Wiyalabi kayaa'naya yigasalablyira." Sarebidaa'nyi nemi "Kayaa'naya myigeinyi," tinaaja' Godiyarina tina "Sagwai kwaaji yagaala tandelyi." Nemi kwaaji sara taaja' kamire yagaala' nemire simunyabi wiranewate' mi'.

## 2

<sup>1</sup> Nimire kwaimiraabya wabelabi, yagaala taja' pigariguri yinggidawasibaiga. Semi kayaa'naya myipine'na "Widibwaagimal!" tena yinggidawasibaiga. Sare' kiri' a'mwe pwai kwi kayaa'naya' yaja' neminyine kayaa'nayanna Nimwari marewidandei mwaari'. Sagwai Jisaasi Kiraajitiyai yinda'maraangalyi. <sup>2</sup> Sarei nemire kayaa'nayanna Godiyari sinya simiriga widebwi mubamaarasi'nyi'nei paragalyi. Nemirennna yimbenna mi'. Aawa. Kwaaga wiya tabagiyara anji'myaraabine kayaa'nayannanyira.

## 3

*Godiyale kwaimiraabyainaabinesi.*

<sup>1</sup> Yidaanyi! Nimwai neminyine kare naanga wimagelyi. "Nimire kwaimiraabyara, dima!" taga Kiraajitiyari limwandaanyaabina kare naanga windene. "Gidiyainyire kwaimiraabyarera," tage' nebulasi. Kamire kwaimiraabyainera. A'mwe Kwaagebagiyabwinera Kiraajitiyarina myabwiresabina "Kamire kwaimiraabyarera," maneyabwiribaigya'. <sup>2</sup> Nyibu'nandelabi, tagaa' nemi Godiyale kwaimiraabyaine. Tibi

nemi pewarabisaina yima'nabaadeinaabaga'? Sabi myabwiranganyaine. Kiri' nemi tara yabwi'maigo. Tibi sagaa' Kiraajitiyai ku'maayaba yima'naabadeegaa' kami sagwaimbi' yima'naadeine. <sup>3</sup> Yibaai sai tewaanyai kirigisa'naya kunei mwaarigabaaimbi' a'mwe kajaijai sagwarina sara yemwaarigai Kiraajitiyarina tewaanyai yima'nibanigalyi.

## 5

*Jisaasi Kiraajitiyarina saliguragya'nebwinesi.*

<sup>6</sup> Tajagwai Jisaasi Kiraajitiyai aaryabi libamabya yabinesi kamire tawe' waraabaga paragabinesi Sugunyabidaa'nyai waraabaga'nanyi. Yine aari libamabya sabwinebina waraabagai mi'. Aawa. Aaryabinebwiniaji tawebinebwiniaji waraabagalyi. Kuryai nebulabi aaya kaabilarine'na Kurya sagwai yagaala sa'na saliguragadelyi. <sup>7</sup> Saliguragya tabaai tasa warigannanyi. <sup>8</sup> Yi pwai Kuryai, yi piri' aarya', yi piri' tawe'. Tabaai tata sa yagaala yimbe piri'naya' salikuragandesi. Saliguragya sa' taresi. Jisaasi Godiyale Kawaaribaangalyi. <sup>9</sup> A'mwera saliguragipija' "Nebulasi," tandaanyi. Yidaanyi! Godiyai saliguragya' a'mweraabirebi wiwabilabigasi. Sarebidaa'nyi Kawaaribaangarina Godiyai nejaliguragande' nebulasi. Godiyale saliguragya tare'nanyi. Jisaasi Nyibwaaribaangalyi. <sup>10</sup> Godiyale Kawaaribaangari limwandei kamire simunyabi saliguragya sa' wiwarigalyi. Godiyarine' malimwagandei tandelyi "Godiayi kwaaji yagaala tandelyi." Godiyai Kawaaribaangarina "Niminyidaa'nyalyi," saliguragya' malimwagande'na tandelyi "Kwaaji yagaala tandelyi." <sup>11</sup> Saliguragya taresi. Godiyai wiyagaa' wiyagaa'ne kaala'nebwi nejaabagasi. Kaala'ne saburi kaabila' Kawaaribaangari wirawiwariga. <sup>12</sup> Sarebidaa'nyi Kawaaribaangei kininnigei kaalya'ne sabwi kininnigelyi. Godiyale Kawaaribaangai maayai kaala'ne sabwi maayalyi.

<sup>13</sup> Yagaala taja yinggidawasimaaba. Godiyale Kawaaribaangari limwandibisalabi, "Wiyagaa' wiyagaa'ne kaala'ne sabwi kininnigeine,' tipiga!" tena yinggidawasimaaba.

## Godiyai

Mudi'na Yamaaja 1:1 Kunegaa' Godiyai mwaryaa'. Sinyamwinyagaa' wiya wagyaa'.

Soni 1:18 – Godiyari a'mwe Kwaaga tabagiyaina wangandaanyarina mi'.

1 Soni 4:12 – Godiyari tinya wangandei a'mwei aane pwai kwai mi'!

Ayagi Maaryabi 33:20 Godiyai wida' "Nimire sinya' tinya manyangandinneiginyira."

(Baaruya Yabandaigasamaata 33:20)

Soni 17:3 – Godiyai nebulyalyira, Nawi'nya kambelyira.

*Godi*yai A'mweimbi' (simunnagei, kare wiandebulyiyai, yabwitei)

Seramaayai 10:10 Naangei Godiya nebulyalyi. Sagwai Godiyai mwaaindelyi.

Apojeliyara 14:15 Godiya nebulyai wiyaagaa' wiyaagaa' mwaaindelyi.

1 Tejalonaiga 1:9 Godiya nebulyai wiyaagaa' kaala mwaaindei.

Yiredaaja 94:11 Naangei wiyaabire simunyangi mena wanganigelyi.

*Godi*yai Kuryalyi (kilaaga maaya)

Soni 4:24 Godiyai Kuryalyi. A'mwei migo.

1 Timoti 1:17 Kingiyai wiyaagasa maremwaaindelyi. Sagwai wiyaagaa'nei mabalyan-delyi. Sagwari tinya mwanganyandaanyalyi. Sagwai kambe pwainanyai Godiyalyi.

1 Timoti 6:16 Mabaryi yi'ne aaya kaabilyai kambelyi. Sagwai paaga naangeba mwaari'. Sagwari wangandei a'mwe aane pwai kwai mi'.

*Godi*yai kambelyi

Pigasaarine Kimwinya 6:4 Naangei nemire Godiyai Naanga kambelyi.

Aajaayai 44:6 Sinyamwinyainyi. Aaya tibineinyi. Nim Godiya kambeinyi. Pwai aawano.